

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

هیئت تحریریه منک آری آری یازمقدمه اولدقلری مقاله لرك ، كرك افاضل امت ايله مستفید فضل و عرفانی اولمش قدر شناس طلبه مقتدره سی و مفتون کالاتی اولان قارئین محترمه من طرفندن کوندرلش و کوندریله جك مقالات و مکاتیبك جمله سی ان شالله پیدرپی نشر اولونه جقدر .

روح الله روحه ابداء

عالم اسلامك برکوکب درخشان و کرسی و عظ و ارشادك یکانه صاحبقرانی اولان استاد محترمز فاضل شهر مناسـترلی اسماعیل حقی افندی حضرت تلیزینك افول نا کهانیلرندن طولانی حس ایلدیکم تأثرات قابیه یی تصویر ایدم . بوضیاع الیک قلوب صافیة امتده حصوله کتیردیکی تألمات عظیمه دخی تصورک فوقده در . (باقی همه اوست جمله فانی !)

مرحوم مشارالیه عقائد متینه اسلامیه و احکام مبجله دینییه سنک انداز تعرض و تعریض اولان ملحدین و منافقین ايله نهایت عمرینه قدر قالا و قلماً معارضه و مجاهده یه دوام و براهین واضحه و دلائل قاطعه ايله خصمانی الزام ایلهرک عصر مزده کاشانه علم و عرفانك بر رکن رکینی و شریعت غرای احمدیه نك برمدافع متین و مکیکی اولدیغی بحق اثبات ایلشدر .

صورت مفصلده ترجمه حالی تحریر ايله نائل اجر و فیر اوله جحق ذوات طرفندن علی المفردات ثبت و تعداد ایدیه جك اولان آثار و مؤلفات علیه لری کندولرینك ترقیات حاضره و ایجابات عصریه یی لایقیه تقدیر ایدرک اول وجهله تنویر افکاره بذل ماحصل اقتدار ایلدیکنه دلالت ایدم جکندن بتون اخوان دین ایچون یکان یکان مطالعه ایدیللی در .

مزرعه آخرت اولان شو دنیای فانیده خدمات مقدسه دینییه وقف حیات و اخلاق فاضله محمدیه ايله تحلیه ذات وصفات ایدن مرحوم مشارالیه ک روح پرفتوح لرینه قارشو همیشه « روح الله روحه ابداء » دعاسی ایراد و روحانیت استاذانه لرندن استمداد ایلرم .

مستشار مشیخت علیا

سعيد

مناسـترلی

طلبه سی آره سنده او کتبخانه سفر بری بوتک کله نك حوصله افاده سی استیعاب ایدردی ؛ بز ، طلبه سی ، هیمز کندیسنی آره مزده بویه یاد ایدردک ؛ و بوتک کله نك مواجهه ایرادنده هر کسك جبهه باطنه مال تعظیم انطباع ایدردی .

مناسـترلی یی مکتب حقوقک و آیاصوفیه معبدینك کرسیلری واسطه سیله طانیدم . آیاصوفیه منبر مواظتک اوزرنده قاعد اولان عرفان ايله مکتب حقوق کرسی تدریسك اوزرنده اوطوران ذکا آره سنده عظیم مسافه واردی ؛ انسان مناسـترلی یی آیاصوفیه معبدنده دیکله رکن سایه یقین بر یردن کندینه سسلر کلیردی ؛ برطاقم اصوات

زکا و فیرط دهاسیله بحر العلوم اطلاقه بحق شایسته ایدی . لسان بیاننده کی طلاقه ، خامه عرفاننده کی بلاغته مسابقت ایدیور ؛ حضور فضائل نشورنده زانورده تعظیم اولان بیکلرجه شاگردان ایمان و ایقانی هر برندن باشقه باشقه حظ عظیم آلیور ، نه قدر نه قدر مستفید اولیوردی .

کتبخانه دین اسلامه اهدا ایتدیکی مخدات آناری الی قیام الساعه نام فضیلت و معرفت کستریخی خیرایله یاد ایتدیره جك ؛ « مناسـترلی اسماعیل حقی » نام باندی دنیالر دوردجه یاشایه جقدر .

ایشته مرحوم مشارالیه حضرت تلیزینك اولدقرب ، اوجان پرور صدای عرفانیدرک ، سامعه مزی چینلا تمقده ، بوتون وجود مزی لرزه ناك ایتمکده اولان عکس حزنیله قلم مرکب یرینه اشک سیاه ماتم دوکیور .

او نه شامت انکیز آن حیات ایدی که ، جناب استادك مصیبت ارتحالی خبری آلدق . صانکه تپه مزده بیک ییلدیرم بردن باطلادی . نه اولدیغمزی شاشیردق ، نه یه اوغرا دیغمزی بیلهدک .

زواللی سبیل الرشاد ! سن آرتق او محترم استادك صریر خامه سنه معکس اهتزاز اولامیه جقسك . ارتق صحیفه لرك اولالی حکمتدن ، او سطور معرفتدن ابدیاً محروم قاله جق . سنك ایچین یکانه مدار تسلیت حضرت استادك یاد نامندن ، روان پاکه اهدای فواتحندن عبارت اوله جق .

قاره لرینه سویله ، سرشك ماتم نمونکله خبر ویرکه : آسمان شریعتك بوضیا نثار خورشید عرفانی آرتق افول ایتدی . « فاضل شهر مناسـترلی اسماعیل حقی افندی حضرت تلیزینك ، ملتک بو صوک فلا کتلیزینه تحمل ایدمه یه خبر ویرمکسزین آرامزدن آنسزین چکیلوب کیتدی .

بوکون وجدان اسلامیت لسان حال ايله « یا حسرة علی المؤمنین ! » فریادیله فرقت آتشرلی ایچنده یانیور ، اخوان فضلاسندن مقالات تعزیت و تسلیت بکلیور .

نته کیم ده شمدیدن بر جوق مقالات فاضله آلمغه باشلادق . بونلری ، ورودی منتظر دیکر مقالاتی صرمه سیله نشر ایدرک بویوک بر فریضه دینییه و وجدانیه ایفا ایتمش اوله جغز اعتقادنده یز .

ایشته سبیل الرشاد هیئت تحریریه سی بوتون تحسینات و تأثراتیه جناب استادك روح پاکنی تقدیس و علو نامنی تجیل و تکریم ایدرک عاٹله کدر دیده سنی و مخادیم کرامنی او مجروح قلبنك اک صمیمی تألماتیه تعزیه یه مسارعت ایلر . « هر که آمد می رود انا الیه راجعون » رحمة الله علیه رحمة واسعة

استاد مرحومك اساس ترجمه حالی ايله ال یازیسی ان شالله کله جك هفته کی نسخه مزده درج اولنه جنی کبی ، حضرتک فضائل و محاسنی ، مناقبی ، علم و عرفانی ، تألیفات و مجاهداتی ، خدمات اسلامیه سی ، خلاصه حیات شخصی و علمییه سی حقنده کی مشهودات ، احتیاسات و ملاحظاته دائر کرك

آثار استعداد کوسترندره عادتاً احبامعامله سی ایدر ، کندیلرینی کبار برظرافتله دائماً تلطف ایلر - وشیمدی او کولوشی دوشوندکجه آغلایورم - آلی اوپدیکمزمان حجاب متواضعانه ایله کوزلرینی قاپار ومحجوب برتبسم متشکرله برشی سویلکسزین برچوق شیلر سویلردی . ایشته برهفته اول اوکدن کیدن طانیمدیغ بریشیل صاریفک یینه طانیمدیغ بیاض بر صاریفه « مناسترلی اسماعیل حق افندی اولمش » جمله لاقیدیه وصباح غزته سی نک دموی یوزیله اقدامک اسمرولفقوی چهره سنک « اوت ، مناسترلی اولمش » قیلندن بر بارده ایله غروبنی عالم اسلامه خبر ویردکری سیاره سعی وکمال ، بوقدر متواضع بر انساندی .

مکتب حقوقده بز ، بر قاج آرقداش ، اک صمیمی وقعرنایاب حرمتلرمزی انحق ایکی استادک ، صدراعظم اسبق ابراهیم حق پاشا ایله مناسترلی اسماعیل حق افندی مرحومک درسارنده طویمشدق . چونکه انحق بوایکی آدمک شخصنده بر مؤلفک مترجمنی دکل ، یوزلرجه مؤلف عالمک هضم وتمثیل وافکار مخصوصه ایله ترین اولومش صحایف علمیه سنی او قودق . حافظه سنک متانتیه حیراندم . طلبه سی ایچنده ایکی منتها اولان چوق عاطلرله چوق مقدملری اسم وجسمملریله طانیق واونلری کوردیکی زمان - دهانی قدر نطوق اولان کوزینک معالی نظرلریله - یافرط سعلیرینه معطوف بر لمعه خنده دار ترغیب ، یاخود افراط عطالتلرینه عائد بر شراره مغیر کوسترمک معتادی ایدی .

برهفته اول سلم آخرتک دنیا یه صارقش ایلك قدمه بارده سی کی طوران فاتح سنک مصلاسنده بر جنازه دکنکنک اوستنه اتکا ایدن عمامه ، آلتیدن لایعد تلامیذ مفیده ومستفیده یتشدرمک خصوصنده ، مدارس ماضیه اسلامک نورانی قبه لری قدر فیاض ایدی .

مدحت جمال

بویوک معلم

ارتحال آلمنی غزته لرده او قوددیغ زمان اینانق ایسته مدیکم معلم محترم مناسترلی اسماعیل حق افندی نک آره مزدن ابدیاً آیرلیدیغی دوشوندکجه قلمدن برقطره خون آقیدیغی حس ایدر اولدم وایمیکه نیم کی مشارالیه یقیندن طانیانلر دکل ، حضور عرفاننده درس او قویان بوتون شاگردلری ، یالکیز کندیسینه خاص برطلاقت برحلاوت ایله ویردیکی وعظملرنده بولنان سامعین مسلمین ، نشریات عالمانه سندن مستفید بیکلرجه عثمانلی قارئلری ده مأیوس ومکدر اولمشلردر .

رحمت حقه واصل اولان استاد مرحوم ؛ یالکیز صنوف علمانک دکل ، بوتون هیئت اجتماعیه عثمانیه نک مدار افتخار وابتهاجی اولان اعظم مملکتدن ایدی . مشارالیه ک - پک سودیکی - بومملکته خدماتی جداً بویوکدر . قرق سنه دن زیاده دوام ایدن مواظط دینه سی ، مکتبلرده کی تدریساتی ، زمانمزده کی زی علمادن بولنان ذواتدن

غریبه که حفره الحاده ییلدیرملر یاغدییر ، شاهقه جهان اسلام اوزرندن کونشیلر اشراق ایدر ؛ خلاصه آغزندن سحائب رحمت مهابت روحانیه سیله بر طاقم افکار عالیه معبد قالیچه لرینک اوزرنده اوطوران صف سامعینک جباه صامته سنه نزول ایلردی . حالبوکه مکتب حقوق کرسی تدریسنده منظره بیان درحال دیکشیردی ، او بیوک عرفان عصای تواضعه طایانه رق ذروه کلاتندن اینر ، تابزم بولندیغمز زمین منحنط ادراکه قدر اینر ؛ بزه اوفق تفک کلملر ، حتی بعضاً معنیدار سکوتلره ، حتی بعضاً برکله کی شکله ادخار معنا ایلش اولان پارمقلرینک اشارتلیله « وصایا » ، « فرائض » مباحثنک عقد غوامضنی چوزر ، « فرائض » مسائلنک زلف ژولیده عربیه بکزمین هر عقده اعمای نکاتی آره سندن ، هر تار تار ماری اوزرندن غایت سلیس بر شانه بیان کچیریر ، بعضاً « اصول فقه » کتابنک متین ومتعب بر تار وپود سماوی ایله اعمال ایدیلن صحایف آهیننی شانه افاداتنک حلال اهام اولان دیشلریله لیمه لیمه ایدرک ستون طلبه سنی برررفر شوخ حریری قارشیسنده بولندییردی . اوزمان اوسطور غامضه ومظالمه فرشته فلسفه اسلامک زلف لطیف سیاهنی آکدییریر ، و بز اولک اره سنده بیک شمس نهفته نکاتک حرارت ولطافت علمیه سنی بولور ، سرمست ابدیسی اولوردق .

ملکیه ده ، حقوقده ، طیبیه ده ، حریه ده ودهسا سائر برطاقم مکتبلرده مناسترلی معلمدی . اوله ایکن ، مکتب حقوقده اوچ سنه متمادی برکون - خسته اولدیغی زمانلرمستقا - درسارینه لاقیدلکنی ایما ایدن بر تاخر دوامی کورلمزدی . تعیر جائز کورلسون ، عادتاً اوروپانک بخار ایله متحرک وسائط نقلیه سنه یاقیشان بر اطراد ورود ایله تام دقیقه معینه سنده درسه کیرر ، صده تماس ایتمه یین مباحث لابلالیانه یی دائماً جوار وقارندن تبعید ایدن بر جدیت معلمانه وعالمانه ایله اوکونکی بحثک تقریرینه باشلاردی . ودرسه کلدیکی زمان آق صقالتک اوزرنده کی تردانه سیله ، اثنای تدریسده معالی اسلامه دائر ایراد ایتدیکی سوزلر اوزرینه ایچنده بر آسمان تأثر تیلر ایدن برقطره کوزیاشی یینه اولحیه پاک اوزرنده خلف سلف اولوردی . کیم نه درسه دیسین ، دور سابقک اوزمان بلکه بتون ممالک محروسه شاهانه اهالی صادقه سنجه مقبول ، حتی ما کل اولان مظالم فضیحه سنه عائد اولارق قلبنده بر عمان انفعال طاشییدان مناسترلی ، درسه مناقب ومفاخر اسلامی یاد وتعداد ایتک صره لری کلدکجه دور سابق خلیفه ظالمک ایوان امینه یاریسی کوز یاشندن ، یاریسی سکوت معنیداردن معمول برطاشی سسمر صداسز فیرلاتیر ، واوزمان کوزلری قلبنده کی عمان عظیم انفعالك کردابلری کی قارا کلق برزنک باغلاردی . بوسوزلری مبالغه تلیدانه حل ایتیه ییک ؛ بز ، کندیسنک لسان حالنه اجنبی اولمیان طلبه سی ، خواجه مزک بونی اصوات والفاظ عصیان مبارکی قارشیسنده چوق بولندق .

اونه مهابتلی ومحترم برتواضع ایدی . طلبه سی آره سنده مأثرسی ،